

ХААН Банкны Ногоон бонд

Улс:	Монгол
Төслийн дугаар:	54857
Бизнесийн салбар:	Банк
Мэдээллийн төрөл:	Хувийн хэвшил
Байгаль орчны ангилал:	СБ
Хэлэлцэх хурлын огноо:	2024 оны 2 дугаар сарын 07
Төлөв байдал:	Гарын үсэг зурагдсан
Төслийн Хураангуй баримт бичиг /ТХББ/	2024 оны 10 дугаар сарын 16

Төслийн танилцуулга

ХААН Банкны 3 жилийн хугацаатай ногоон бондод ЕСБХБ 12.5 сая ам.долларын хөрөнгө оруулалт хийлээ. Бондыг ХААН Банкны Ногоон бондын хөтөлбөрийн хүрээнд гаргасан бөгөөд Олон улсын хөрөнгийн зах зээлийн холбооны Ногоон бондын зарчмууд (ICMA GBP)-д нийцүүлэн гаргасан юм. Бонд гаргаж буй нь ICMA GBP-д нийцэж байгааг баталгаажуулан Sustainable Fitch компаниас гаргасан хоёрдогч байгууллагын үнэлгээгээр баталгаажуулагдана. Энэхүү хөрөнгө оруулалт нь Монголын хөрөнгийн биржид бүртгэлтэй дотоодын арилжааны банкны анхны ногоон бонд бөгөөд Монгол Улсад ногоон бонд гаргахад оруулж буй ЕСБХБ-ны анхны хөрөнгө оруулалт юм.

Төслийн зорилго

Төсөл нь дэлхийн зах зээлийн тогтворгүй байдлын үед ногоон зээлийн багцаа өсгөж, санхүүжилтийн эх үүсвэрээ төрөлжүүлэхэд нь ХААН Банкинд тусална. Хөрөнгө оруулалтын орлогыг ICMA GBP-д нийцсэн, ЕСБХБ-ны шаардлагыг хангасан бөгөөд ХААН Банкны Ногоон бондын суурь хүрээнд багтах ногоон дэд төслүүдийг санхүүжүүлэхэд ашиглах болно. Эдгээр дэд төсөл нь тус орны сэргээгдэх эрчим хүч, эрчим хүчний хэмнэлт, ногоон барилга байгууламж, ногоон тээврийг дэмжсэн байх шаардлагатай.

Шилжилтийн нөлөөлөл

ETI 71

Шилжилтийн хүлээгдэж буй нөлөөлөл (ETI)-ийн оноо 71

Төсөл нь ХААН Банкны Ногоон хөтөлбөрийн дагуу, Ногоон эдийн засгийн шилжилт (GET)-ийн үйл ажиллагаанд хуваарилсан орлогыг 100 хувь ашиглан, Монголыг байгаль орчны хувьд зохистой, нүүрстөрөгчийн хий багатай, уур амьсгалд тэсвэртэй

эдийн засагт шилжихэд нь дэмжлэг үзүүлэх замаар Ногоон ба тэсвэртэй шилжилтийн нөлөөллийн чанарыг сайжруулахад хувь нэмэр оруулна.

Харилцагчийн мэдээлэл

ХААН БАНК ХК

ХААН Банк ХК нь улс орон даяарх цахим банкны сувгууд болон 547 салбар бүхий сүлжээгээр дамжуулан хүн амын 82 гаруй хувьд үйлчилгээ үзүүлдэг Монголын хамгийн том арилжааны банк юм. 2023 оны эцсийн байдлаар, Банкны нийт актив нь 5.1 тэрбум ам.долларт хүрч, зээлийн багц нь 2.8 тэрбум ам.доллар, өөрийн хөрөнгө нь 612.7 сая ам.доллар болсон байна. ХААН Банк өнөөдрийн байдлаар Мүүди'з үнэлгээний агентлагаас "В3/тогтвортой", Фитч үнэлгээний агентлагаас "В+/тогтвортой" гэсэн үнэлгээ тус тус аваад байна.

ЕСБХБ-ны санхүүжилтмийн тойм

12,500,000.00 ам.доллар

12.5 сая доллар

Төслийн нийт өртөг

30,000,000 ам.доллар

30 сая доллар

Байгаль орчин, нийгмийн тойм

"Санхүүгийн байгууллага" Ангилал (БОНБ 2019): ХААН Банк бол ЕСБХБ-ны харилцагч. Байгаль орчин, нийгмийн үнэлгээг нь хөрөнгийн зах зээлийн дүрмийн хязгаарлалтын хүрээнд хийгдсэн. Харилцагч нь ЕСБХБ-ны олгосон зээлүүдийн хүрээнд ЕСБХБ-ны Гүйцэтгэлийн шаардлага (PRs) 2, 4 болон 9-ийг үргэлжлүүлэн дагаж мөрдөх, Санхүүгийн байгууллагуудад холбогдох ЕСБХБ-ны Байгаль орчин, нийгмийн эрсдлийн менежментийн процедурыг үргэлжлүүлэн хэрэгжүүлэх, Банкинд Байгаль орчин, нийгмийн жилийн тайлан ирүүлэх шаардлагатай. Ногоон бондыг ЕСБХБ-ны Байгаль орчин, нийгмийн засаглалын суурь шалгуур үзүүлэлтүүдтэй уялдуулах бөгөөд харилцагч нь нөлөөллийн тайлангаа Банкинд ирүүлнэ. Бондын эх үүсвэрээр санхүүжүүлэгдэх сэргээгдэх эрчим хүчний боломжит хөрөнгө оруулалт нь салхи, нар, био эрчим хүч, газрын гүний дулаан, усан цахилгаан станцын төслүүдэд зориулсан ЕСБХБ-ны Байгаль орчин, нийгмийн шаардлага хангах шалгуур үзүүлэлтүүдийг дагаж мөрдөх хэрэгтэй. Хэрэв ЕСБХБ-ны санхүүжилтийг нарны эрчим хүчний PV технологи санхүүжүүлэхэд ашиглах бол үүнийг "Нарны эрчим хүчний ханган нийлүүлэлтийн гинжин хэлхээн дэх эрсдлийн менежментийн талаар санал болгож буй менежментийн арга хандлага" (CS/FO/21-35) баримт бичиг болон түүний дагуу боловсруулсан дараа дараагийн удирдамжийн дагуу удирдан зохицуулна.

Техникийн хамтын ажиллагаа

Байхгүй.

Нэмэлт үр дүн

Нэмэлт үр дүн нь дараахаас үүдэн гарна. Үүнд: i) Хязгаарлагдмал хэмжээ, хөрвөх чадвар бүхий хөрөнгийн зах зээлд санал болгох ногоон бүтээгдэхүүн санаачилж буй ХААН Банкны хүчин чармайлтыг дэмжих, ii) Монгол дахь тогтвортой хөрөнгийн зах зээлийн хөгжилд хувь нэмэр оруулах ЕСБХБ-ны чадварыг харуулах. ЕСБХБ-ны зүгээс хөрөнгө оруулалт хийх, холбогдох ногоон стандартыг дэмжин ажиллах нь ижил төстэй зээлдүүлэгчид, түүнчлэн дотоодын болон олон улсын институцийн хөрөнгө оруулагчдад хүчтэй дохио өгөх болно.

Холбоо барих хүний мэдээлэл

Олон улсын харилцааны газрын дарга хатагтай Б.Болортуяа

bolortuya.b@khanbank.com

+976 11 332 333

+976 70 117 023

www.khanbank.com

Хаан банк цамхаг, Чингисийн Өргөн Чөлөө-6, Стадион Оргил-1, Хан-Уул Дүүрэг 15-р хороо, Улаанбаатар 17010, Монгол Улс

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алианаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого

болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.